

**ՊԱՅՄԱՆԱԳԻՐ N ՌՃ 1-2022**  
**ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ**  
**ՖԻՆԱՆՍԱԿԱՆ ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ**

ք. Երևան

«19» ապրիլ 2022 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ պետական մարմին), ի դեմս նախարարության գլխավոր քարտուղար Գագիկ Սաֆարյանի, որը գործում է նախարարության կանոնադրության հիման վրա, մի կողմից, և «Արամ Մանուկյանի անվան մարզառազմական մասնագիտացված դպրոց» պետական ոչ առևտրային կազմակերպությունը (այսուհետ՝ Կազմակերպություն), ի դեմս Կազմակերպության տնօրեն Արկադի Պետրոսյանի, որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով Հայաստանի Հանրապետության կառավարության 2021 թվականի դեկտեմբերի 23-ի «Հայաստանի Հանրապետության 2022 թվականի պետական բյուջեի կատարումն ապահովող միջոցառումների մասին» թիվ 2121-Ն որոշմամբ (այսուհետև՝ Որոշում) ամրագրված դրույթները և ՀՀ ԿԳՄՍ նախարարի 2022 թվականի մարտի 28-ի թիվ 473-Ա/2 հրամանը, կնքեցին սույն պայմանագիրը (այսուհետ՝ Պայմանագիր) հետևյալի մասին.

## **1. Պայմանագրի առարկան**

1.1. Պայմանագրով սահմանվում է Որոշման 09.05.01. «1148. Արտադպրոցական դաստիարակության ծրագիր» բյուջետային ծրագրի «11016. ՀՀ հանրակրթական ծրագրեր իրականացնող ուսումնական հաստատությունների 11-րդ դասարանների աշակերտների ռազմամարզական ճամբարների կազմակերպում» միջոցառման (այսուհետ՝ ծրագիր) շրջանակներում պետական աջակցության տրամադրումը, որի նպատակն է 11-րդ դասարաններում սովորող դպրոցականների մոտ նպաստել «Նախնական զինվորական պատրաստություն» առարկայից ստացած գիտելիքների հարստացմանը և դրանց համապատասխան կարողությունների ու հմտությունների զարգացմանը:

1.2. Նշված նպատակով պետական մարմինը պարտավորվում է Կազմակերպությանը հատկացնել մինչև 114165900 (մեկ հարյուր տասնչորս միլիոն մեկ հարյուր վաթսուհինգ հազար ինը հարյուր) ՀՀ դրամ գումար՝ ներառյալ ՀՀ օրենսդրությամբ սահմանված հարկերը և տուրքերը, իսկ Կազմակերպությունը պարտավորվում է ծրագիրն իրականացնել որոշմամբ և պայմանագրով սահմանված կարգով:

1.3. Ծրագրով նախատեսված՝ Կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են պայմանագրի անբաժանելի մասը կազմող հավելված 1-ում, իսկ ծախսերի նախահաշիվը՝ համաձայն հավելված 2-ի:

## **2. Կողմերի իրավունքները և պարտավորությունները**

### **2.1. Պետական մարմինն իրավունք ունի՝**

2.1.1. ցանկացած ժամանակ (այդ թվում՝ լիազոր մարմնի միջոցով) ստուգել Կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը,

2.1.2. որոշմամբ սահմանված պահանջներին չհամապատասխանելու դեպքում չընդունել իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և Կազմակերպությունից պահանջել վճարել պայմանագրի 5.1 կետով նախատեսված տուգանքը,

2.1.3. առանց իրականացված միջոցառումների արդյունքների դիմաց գումար տրամադրելու՝ միակողմանի լուծել պայմանագիրը և պահանջել հատուցել պատճառված վնասները, եթե՝

ա. Կազմակերպությունը ժամանակին չի սկսում ծրագրի իրականացումը կամ ծրագրի իրականացման ժամանակ ակնհայտ է դառնում, որ այն պատշաճ չի իրականացվելու,

բ. Կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները,

գ. իրականացված միջոցառումները չեն համապատասխանում ծրագրով սահմանված պահանջներին,

2.1.4. պայմանագիրն օրենքով կամ պայմանագրով նախատեսված հիմքերով լուծելու դեպքում պահանջել իրեն հանձնել անավարտ միջոցառումների արդյունքները,

## **2.2. Կազմակերպությունն իրավունք ունի՝**

2.2.1. իրականացված միջոցառման արդյունքը պետական մարմնի կողմից ընդունվելու դեպքում պահանջել վճարել իրեն հասանելիք գումարը,

2.2.2. պետական մարմնի կողմից գումարները չվճարվելու դեպքում միակողմանի լուծել պայմանագիրը և պահանջել հատուցել իրեն պատճառված վնասները,

2.2.3. անհրաժեշտության դեպքում Պայմանագրի անբաժանելի մաս կազմող նախահաշվով նախատեսված ծախսային ուղղություններում իրականացնել յուրաքանչյուր ծախսային ուղղության գումարի 10 տոկոսի չափով շեղում՝ չխախտելով վճարումների համար սահմանված նորմերը:

## **2.3. Պետական մարմինը պարտավոր է՝**

2.3.1. ծրագրով նախատեսված դեպքերում աջակցել Կազմակերպությանը,

2.3.2. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ,

2.3.3. իրականացնել ծրագրով նախատեսված այլ աշխատանքներ,

2.3.4. իրականացված միջոցառման մասին ներկայացված կատարողական հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 20 աշխատանքային օրվա ընթացքում, եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և պայմանագրի պահանջներին, ապա դրանք ընդունվում են:

## **2.4. Կազմակերպությունը պարտավոր է՝**

2.4.1. իրականացնել ծրագրի շրջանակներում պետական մարմնի կողմից տրամադրված գումարների՝ Հայաստանի Հանրապետության օրենսդրությանը համապատասխան օգտագործումը,

2.4.2. պայմանագրով նախատեսված ֆինանսական միջոցներն օգտագործել ծրագրով և (կամ) պայմանագրով սահմանված նպատակներով ու չափաքանակներով,

2.4.3. կատարել պետական մարմնի կողմից բացահայտված թերությունների վերացման նպատակով տրված ցուցումները,

2.4.4. միջոցառման ավարտից հետո 20 աշխատանքային օրվա ընթացքում ներկայացնել իրականացված միջոցառումների վերաբերյալ կատարողական և ֆինանսական հաշվետվություններ,

2.4.5. պայմանագրի գործողության ընթացքում ապահովել ծրագրի իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում,

2.4.6. պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում՝ անվճար, պատվիրատուի կողմից սահմանված ողջամիտ ժամկետում վերացնել արձանագրված անհամապատասխանությունները,

2.4.7. ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների ընթացակարգին համապատասխան,

2.4.8. Պայմանագրի շրջանակներում չօգտագործված գումարները 2022 թվականի ընթացքում ենթակա են վերադարձման ՀՀ պետական բյուջե:

### 3. Մոնիթորինգը

3.1. Պետական մարմինը ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ:

3.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով Կազմակերպությանը տրվում են ցուցումներ և կատարվում են առաջարկություններ:

3.4. Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:

3.5. Մոնիթորինգի իրականացման ընթացքում Կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

### 4. Վճարման կարգը և ժամկետները

4.1. Պետական մարմինը պայմանագրի 1.2 կետում նշված գումարը Հայաստանի Հանրապետության կառավարության 2021 թվականի դեկտեմբերի 23-ի «Հայաստանի Հանրապետության 2022 թվականի պետական բյուջեի կատարումն ապահովող միջոցառումների մասին» թիվ 2121-Ն որոշմամբ հաստատված համամասնություններին համաձայն, փոխանցում է Կազմակերպության հաշվին:

### 5. Կողմերի պատասխանատվությունը

5.1. Պայմանագրով և ծրագրով նախատեսված պարտավորությունների չկատարման կամ ոչ պատշաճ կատարման դեպքում Կազմակերպությունը պարտավորվում է պետական մարմնին փոխհատուցել՝ չիրականացված միջոցառման գումարի չափով և վճարել տուգանք՝ չիրականացված միջոցառման համար նախատեսված գումարի 1 տոկոսի չափով, իսկ 2.4.4.-ի դեպքում՝ 0.05 տոկոսի չափով տույժ յուրաքանչյուր ուշացված աշխատանքային օրվա համար: Ընդ որում, տուգանքի կամ տույժի վճարումը Կազմակերպությանը չի ազատում իր պարտավորությունները կատարելու և խախտումները վերացնելու պարտականությունից: Պետական մարմինը սույն կետով նախատեսված գումարները հաշվարկում և հաշվանցում է կազմակերպությանը վճարվելիք գումարներից կամ կազմակերպությունը հետ է վերադարձնում պետական բյուջե:

### 6. Պայմանագրի գործողության ժամկետը

6.1. Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի ստանձնած պարտավորությունների՝ ամբողջ ծավալով կատարումը:

### 7. Անհաղթահարելի ուժի ազդեցությունը (ՖՈՐՍ-ՄԱԺՈՐ)

7.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե

անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

### 8. Եզրափակիչ դրույթներ

8.1. Հայաստանի Հանրապետության կառավարության կողմից հաստատված ծրագիրը հանդիսանում է սույն պայմանագրի անբաժանելի մասը:

8.2. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

8.3. Պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

8.4. Պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

### 9. Կողմերի հասցեները, բանկային վավերապայմանները և ստորագրությունները

**ՊԵՏԱԿԱՆ ՄԱՐՄԻՆ**  
«Հ կրթության, գիտության, մշակույթի և սպորտի նախարարություն

ք. Երևան, Վազգեն Սարգսյան 3  
Կառավարական տուն 2  
ՀՀ ՖՆ գործառնական վարչություն  
Հ/Հ 900011030997  
ՀՎՀՀ 02698732

Գլխավոր քարտուղար՝



Գ. Սաֆարյան

**ԿԱԶՄԱԿԵՐՊՈՒԹՅՈՒՆ**

«Արամ Մանուկյանի անվան մարզառազմական մասնագիտացված դպրոց» ՊՈԱԿ

ք.Երևան, Նուբարաշենի խճուղի 6/2

ՀՀ ՖՆ գործառնական վարչություն

Հ/Հ 900018001900

ՀՎՀՀ 00088433

Տնօրեն՝



Ա. Պետրոսյան

ՄԻՋՈՑԱՌՈՒՄՆԵՐ

Իրականացվելիք միջոցառման

Անվանումը	Համառոտ բովանդակությունը	Կատարման ենթակա գործառույթների նկարագիրը	Ակնկալվող արդյունքները և դրանց գնահատման չափանիշները	Վերջնա-ժամկետը	Պահանջվող գումարը (դրամ)
<p>Հայաստանի Հանրապետության հանրակրթական ծրագրերի իրականացնող ուսումնական ծրագրեր ուսումնական հաստատությունների 11-րդ դասարան փոխադրվող աշակերտների համար:</p> <p><b>Ծամբարի նպատակն</b> է ՆՉՊ առարկայից ստացած գիտելիքների հարստացումը և գործնական պարապմունքների միջոցով հմտությունների ձևավորումը:</p> <p><b>Ծամբարը պետք է ունենա՝</b></p> <ul style="list-style-type: none"> <li>• Նյութատեխնիկական համապատասխան միջոցներ՝ ուղղանկյունաձև ծամբարի կազմակերպման և իրականացման համար,</li> <li>• օրվա կարգադրույթ և ծամբարի ուսումնական ծրագիր՝ հաստատված տնօրենի կողմից</li> <li>• Ծամբարի կառուցվածք՝ հաստատված ծամբարի միջոցառման կազմակերպիչ-կենտրոնական շտաբի պետի կողմից:</li> </ul> <p><b>Ծամբարի կառուցվածքը՝</b></p> <p>Ծրագիրն իրականացվում է ծամբարի կազմակերպմամբ, որի կառուցվածքը ձևավորվում է Հայաստանի Հանրապետության գինեկամ ուժերի բանակի վաշտի կառուցվածքի նմանությամբ:</p> <p>Ծամբարն ունի.</p> <ul style="list-style-type: none"> <li>• ծրագրի իրականացումը համակարգող խումբ (այսուհետ՝ կենտրոնական շտաբ),</li> <li>• վաշտ,</li> <li>• սպասարկող անձնակազմ:</li> </ul> <p>Ծամբարի ղեկավարումն իրականացնում է միջոցառման կազմակերպիչ-կենտրոնական շտաբի պետը:</p> <p>Ծամբարի անձնակազմին ներկայացվող պահանջները՝ ըստ ՀՀ ԿԳՄՍ նախարարի 28.03.2022 թ. թիվ 473-Ս/22 իրամանով հաստատված կարգի:</p>	<p>Ծամբարի ծրագիրը համարվում է նախնական գինեկրական պատրաստություն առարկայի 8-րդ, 9-րդ և 10-րդ դասարանների առարկայական ծրագրի գործնական և կիրառական մաս, որը նպատակաուղղված է՝</p> <p>1) «Նախնական գինեկրական պատրաստություն» առարկայի ծրագրի յուրացմանը, դասավանդման և ուղղանկյունաձև կատարմանը, ուղղությամբ տարվող աշխատանքների արդյունավետության բարձրացմանը,</p> <p>2) իրավիճակային կողմնորոշման, նախաձեռնողականության և գործնական հմտությունների զարգացմանը, արտակարգ իրավիճակներում դիմակայելու, դրսևորվելու և արդյունավետ գործելու ունակությունների զարգացմանը,</p>	<p>Հայաստանի Հանրապետության հանրակրթական ծրագրերի իրականացնող ուսումնական ծրագրեր ուսումնական հաստատությունների 11-րդ դասարան փոխադրվող աշակերտների ուղղանկյունաձև ծամբարի կազմակերպում:</p> <p>2022 թվականին ծամբարի մասնակիցների թիվը սահմանվում է մինչև 1004 աշակերտ:</p> <p>Ծամբարն իրականացվում է առավելագույնը 8 փուլով: Յուրաքանչյուր փուլին մասնակցում են մինչև 150 սովորող:</p> <p>Ծամբարի յուրաքանչյուր փուլի տևողությունը 10 օր է:</p>	<p>2022 թվականի հունիս-օգոստոս</p>	<p>114 165 900</p>	

	<p><b>Ճամբարի ծրագիրը</b>  Ճամբարի ծրագիրը համարվում է նախնական գինվորական պատրաստություն ատարկայի 8-րդ, 9-րդ, 10-րդ և 11-րդ դասարանների ատարկայական ծրագրի գործնական և կիրառական մասը:</p> <p>Ճամբարի ուսումնական ծրագիրը պարունակում է ուսումնական և գործնական դասաժամեր, որոնք իրացվում են դասերի, տեսադասերի, գործնական պարապմունքների, մրցումների միջոցով: Ճամբարի ուսումնական ծրագրի տևողությունը՝ 72 ժամ է (&lt;&lt; ԿԳՄՍ նախարարարի 28.03.2022 թ. թիվ 473-Ա/2 հրամանով հաստատված կարգին համապատասխան):</p> <p><b>Ճամբարն ունի արտակարգ իրավիճակներում գործելու և քաղաքացիական պաշտպանության պլաններ:</b> Ճամբարի կացարանները պետք է ունենան տարիանան ուղիները ցույց տվող նշաններ (սլաքներ), որոնց պատասխանատուն ճամբարի քաղաքացիական պաշտպանության շտաբի պետն է (զինվելը):</p> <p><b>Ճամբարում գործող բուժիչները</b> պետք է համարված լինի անհրաժեշտ գույքով և առաջին անհրաժեշտության դեղորայքով:</p> <p><b>Ճամբարի նյութատեխնիկական ապահովումը</b>  Ճամբարը պետք է ապահովված լինի համապատասխան նյութատեխնիկական բազայով, մասնավորապես.</p> <ol style="list-style-type: none"> <li>1) կեցության և սննդի համար անհրաժեշտ գույքով և շինություններով՝ օրենսդրությամբ սահմանված նորմերին համապատասխան,</li> <li>2) սպրտ հրապարակներով, համապատասխան մարզական գույքով,</li> <li>3) ճամբարի ուսումնական ծրագրից բխող ուսումնադիդակտիկ նյութերով (առաջին օգնության պարագաներ, ուսումնական ինքնաձիգ, ուսումնական ակններ, ուսումնադիդակտիկ նյութեր և պարագաներ),</li> <li>4) վրանային ճամբարը՝ կրաններով, քնապարկերով, դաշտային պայմաններում ուսուցանելու, սնվելու, մարզական միջոցառումներ կազմակերպելու համար անհրաժեշտ պայմաններով և գույքով,</li> <li>5) պնևմատիկ և հրազենային հրացաններից կրակելու հնարավորություններ ունեցող հրաձգարանով,</li> <li>6) պնևմատիկ և հրազենային հրացաններով, համապատասխան թիրախներով, փանկոշտներով,</li> <li>7) բժշկական առաջին օգնության պարագաներով և նյութերով,</li> <li>8) անվտանգության սարքավորումներով, պարագաներով և նյութերով:</li> </ol> <p><b>Սննդի կազմակերպումը՝</b>  Ճամբարում երեխաներին տրվող սնունդը կազմակերպվում է համաձայն ՀՀ առողջապահության նախարարի 06.06.2014 թ. N 32-Ն որոշմամբ հաստատված «Հանրակրթական ուսումնական հաստատություններում սովորողների սննդի կազմակերպմանը ներկայացվող հիգիենիկ պահանջներ» N 2.3.1-02-2014 սանիտարական կանոնները և նորմերը հաստատելու մասին հրամանի</p>	<p>3) ծրագրի մասնակիցների ֆիզիկական և բարոյափոփոխմանական հատկանիշների բարձրացմանը, տոկոսության, դժվարին պայմաններում առաջադրանքների կատարման վճռականության ձևավորմանը,</p> <p>4) «Նախնական գինվորական պատրաստություն» ատարկայից ստացած գիտելիքների ամրապնդմանը գործնական ճանապարհով,</p> <p>5) «Նախնական գինվորական պատրաստություն» ատարկայի հետ միջադարկայական կապի մեջ գտնվող ատարկաների թեմաների գործնական կիրառությանը,</p> <p>6) գինվորականի մասնագիտության նկատմամբ հետաքրքրության ձևավորմանը,</p> <p>7) անցանկալի և արատավոր դրսևորումների նվազեցմանը՝ միջանձնային հարաբերություններում, կարգապահության և պարտականությունների կատարման պատասխանատվության գիտակցման բարձրացմանը:</p>		
--	----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	--	--

	<p>հավելվածի (այսուհետ՝ Կանոններ) 2-6-րդ, 9-14-րդ, 17-րդ, 21-րդ, 24-30-րդ կետերի համաձայն:</p> <p><b>Խոհարարական արտադրանքի պատրաստումը՝</b> կազմակերպվում է համաձայն Կանոնների 31-42-րդ կետերի պահանջներին համապատասխան:</p> <p>Սննդի կազմակերպման հսկողությամբ ներակայվող պահանջները սահմանված են Կանոնների 48-67 կետերում:</p> <p><b>Տեխնիկական չափանիշները՝</b></p> <ul style="list-style-type: none"> <li>• շենքը լինի բարձր վիճակում, որը հնարավորություն կտա ապահովել երեխաների անվտանգությունը,</li> <li>• խաղերի և մարզական միջոցառումների համար նախատեսված սպորտհրապարակ /խաղահրապարակ/,</li> <li>• ճաշարան՝ նախատեսված՝ նվազագույնը 100 երեխայի համար,</li> <li>• առնվազն 30 լվացարան /վազելիք համար նախատեսված/,</li> <li>• Առնվազն 10 լոգարաններ և սանհանգույցներ՝ տղաների և աղջիկների համար առանձին-առանձին, համաձայն ՀՀ Կառավարության 13.12.2007 թվականի թիվ 1490-Ն որոշման N 4 հավելվածի 14-րդ կետի/,</li> <li>• <b>հագուստի մաքրման սենյակ՝ համաձայն՝</b> ՀՀ Կառավարության 13.12.2007 թվականի թիվ 1490-Ն որոշման N 4 հավելվածի 15-րդ կետի,</li> <li>• հագուստի և կոշիկի <b>չորապահարան՝</b> համաձայն ՀՀ Կառավարության 13.12.2007 թվականի թիվ 1490-Ն որոշման N 4 հավելվածի 16-րդ կետի,</li> <li>• ճամբարը պետք է ապահովված լինի շտրֆորյա սառը և տաք ջրամատակարարումով,</li> <li>• <b>վազքատուն՝</b> համաձայն ՀՀ Կառավարության 13.12.2007 թվականի թիվ 1490-Ն որոշման N 4 հավելվածի 17-րդ կետի:</li> </ul>			114 165 900
--	--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	--	--	-------------

**ԸՆԴԱՍԵՆ**

**ՊԵՏԱԿԱՆ ՄԱՐՄԻՆ**  
 ՀՀ կրթության, գիտության, մշակույթի և սպորտի նախարարություն

բ. Երևան, Վազգեն Սարգսյան 3  
 Կառավարական տուն 2  
 ՀՀ ՖՆ գործառնական վարչություն  
 ՀՀ 900011030997  
 ՀՀ 02698732



Գլխավոր քարտուղար՝ Գ. Սաֆարյան  
 Կառավարություն/ Կ.Տ

**ԿԱԶՄԱԿԵՐՊՈՒԹՅՈՒՆ**

«Արամ Մանուկյանի անվան մարզառագմական մասնագիտացված դպրոց» ՊՈԱԿ

բ. Երևան, Նուբարաշենի խճուղի 6/2  
 ՀՀ ՖՆ գործառնական վարչություն  
 ՀՀ 900018001900  
 ՀՀ 00088433



Տնօրեն՝ Ա. Պետրոսյան  
 Կառավարություն/ Ս.Տ

**ԾԱԽՍԵՐԻ ՆԱԽԱՀԱՇԻՎ**

Ծախսեր	քանակ	օր	միավորի արժեք /դրամ/	ընդամենը /դրամ/
սնունդ /աշակերտ/	1004	10	2870	28 814 800
սնունդ /անձնակազմ/	26	80	2870	5 969 600
կեցություն /աշակերտ/	1004	10	800	8 032 000
կեցություն /անձնակազմ/	26	80	800	1 664 000
անձնակազմի աշխատավարձ				12 600 000
գույք և ծառայություններ				29 606 500
ընթացիկ վերանորոգում				25 471 000
այլ ծախսեր	1004	10	200	2 008 000
<b>ԸՆԴԱՄԵՆԸ</b>				<b>114 165 900</b>

**ՊԵՏԱԿԱՆ ՄԱՐՄԻՆ**  
«Կրթության, գիտության, մշակույթի և սպորտի նախարարություն

ք. Երևան, Վազգեն Սարգսյան 3  
Կառավարական տուն 2


«ՖՆ գործառնական վարչություն  
Հ/Հ 900011030997  
ՀՎՀՀ 02698732

**ԿԱԶՄԱԿԵՐՊՈՒԹՅՈՒՆ**  
«Արամ Մանուկյանի անվան մարզառազմական մասնագիտացված դպրոց» ՊՈԱԿ

ք.Երևան, Նուբարաշենի խճուղի 6/2

«ՖՆ գործառնական վարչություն  
Հ/Հ 900018001900  
ՀՎՀՀ 00088433

Գլխավոր քարտուղար՝



Գ. Սաֆարյան



Տնօրեն՝



Ա. Պետրոսյան